

四明叢書

張宗祥



朱子序清敏遺事後曰大夫公清苦廉直勤事愛民屢
爲刺史二千石入居郎省皆有顯聞然多不得久于其
官蓋有公之風烈云

謝山句餘土音豐吏部望揚州操六龍南飛兮棄我
蜀岡居民攘攘兮唱誅汪黃蜀岡弛戰兮戎備久荒
況先子兮勵官監倉爲國死官兮不去不降我乃元
祐黨人之孫兮姓名堂堂死見司馬公兮契家之光
嗟孤兒兮擲道旁泣呱呱兮幸脫劒芒孤兒有感兮
非所望望揚州兮雲茫茫原註云豐清敏公之孫治

殉難揚州事定後高宗官其子誼當父死時三歲棄道旁後爲名儒吾鄉志乘失爲之傳

補文恭羅此庵先生點

雲濠謹案先生著有奏議書春秋孟子講義制詞鑑古錄雜著聞見錄

附錄

孝宗以俗儒少實頗有厭薄公對策曰臣聞儒者之道與天地相爲終始與古今相爲表裏與風俗相爲盛衰與治亂相爲升降患莫甚于名是而實非人主當求其真不可惑于似如穀粟之必可以養生如藥石之必可

以伐病是真賢也言之若可聽而用之則罔功是腐儒也惟真賢是用而毋以腐儒參之則治具畢張矣天子覽而嘉之擢爲第二

遷祕書郎兼皇太子宮小學教授凡所開陳必以正理講論經義日昃始退蓋嘗未午而國公欲入公止之乃觀書不輟至晡時可以入矣故不入左右以爲請公曰國公務學正爾得趣奈何促之顧使令輩取被以入吾將宿此左右曰是閒豈託宿之地耶國公逕解褰之公然後退

皇孫進封平陽郡王仍以公兼教授采摭古人行事明白易曉可爲勸戒者合爲一書名鑑古錄蓋以古爲鑑可知興替之義日講一事恭淑之始作配也公以爲道之造端于是乎在而自古論修身齊家者惟大易家人一卦最爲彰明較著乃取先正司馬公所書發揮其義以爲端本正始之助

光宗卽位遷中書舍人上嘗訪公可爲臺諫者公稱葉適吳鑑孫逢吉張體仁馮震武鄭湜劉崇之沈清臣此八人皆有學識氣節通世務知國體不肯阿附苟合者

或謂天下事非才不辦公曰亦當先論其心學術正而才不足所謂心誠求之雖不中不遠矣心則不正才雖過人非真才也

父卒時諸弟猶未立延師教之迄於有成

杜清獻跋文恭薦士疏曰國家中興愛養人才至淳熙間名賢彬彬輩出公上接流緒下植風聲汲沈振滯寸善不遺今讀此編羣才畢萃何其盛也自公云亡諸公亦相繼凋落公所薦引者其顯用十無一二而時事日新矣由公而前若此由公而後又若此然則公之云亡

蓋實關于世道之一變也

縣簿丁瓮天先生鏐

附子季敏

丁鏐字仲熊新建人以伊洛之學倡于江右弟子雲集
與陸子靜爲友領淳熙慶元嘉定三舉歷官曲江縣簿
朱元晦知南康軍聘掌白鹿書院不就時與往復論學
自號瓮天先生所著有春秋要辨易通釋書辨疑王霸
論性理大旨諸集子季敏博學能文徐鹿卿誌其墓

世美集

陳先生南仲

陳南仲字郴卿臨川人以六經授徒于鄉嘗與象山言
皋陶秩禮敘典命德討罪一歸之天九德又分之爲六
爲三皆天地陰陽之道此爲明道之要象山亦云皋陶
謨洪範呂刑在書爲傳道之書其議論相契如此撫州府志
縣令吳先生箕

吳箕字嗣之休寧人少孤刻志讀書乾道五年進士主
仁和簿分教臨川與象山諸公講明義理宰當塗縣剖
析民訟編類成書有聽訟類彙十二冊趙忠定汝愚尤
加器重召審察尋以疾卒

姓譜

雲濠謹案姓譜載張震事蹟
與此文同未知孰是俟考

隱君劉先生迂

劉迂宜黃人隱居不仕文章贍敏自成一家諸子百家
皆精究迨朱陸諸儒會鷺湖嘗以詩請益于理學有所
得年八十餘無疾焚香而卒有文集姓譜

趙先生焯詳見玉山學案

趙拙齋先生景明

趙景明□□人爲臨川守鷺湖之會邀劉子澄趙景昭
景昭在臨安與陸子靜相款亦有意于學云象山年譜

梓材謹案象山與張春卿書云乙未丙申間趙景明爲太守某與其兄景昭爲同年進士景明極賢則所謂與子靜相款者可攷矣又象山與楊守書云某自省事以來五十年不知幾易太守其賢而可稱者惟張安國趙景明陳時中錢伯同則景明之賢可知雲濠謹案朱子爲臨川太守趙侯景明作拙齋記見朱子文集

陸山堂先生煥之

別見涑水學案補遺

縣令張先生震

附子會

張震字嗣之休寧人少孤刻志讀書乾道五年登進士第主仁和簿分教臨川與象山諸公講明義理率當塗縣剖析民訟編類成書有聽詞類稿十二冊趙忠定尤

加器重召審察尋以疾卒子會博聞強記登紹熙元年
第尉饒之鄱陽調金陵糾曹平反甚眾任滿不復出仕

家居十餘年卒

姓譜

吳氏家學

吳先生厚若

吳先生誠若

並見槐堂諸儒學案補遺

吳先生惠子

吳先生正子

合傳

吳惠子東齋孫國史校勘有書曰易論機衡其弟正子

有書曰二禮經制書上送官並免本州文解而先生用
薦者得召對稱旨郡人謂先生曰石泉二禮曰西泉園

學古錄

梓材謹案黃東發有祭吳正子文稱其得象山端
方之學膺伊川殊特之召金匱賴之以紬繹士林
仰之爲師表但載其官爲國史校勘似屬石泉而非西泉也

象山家學

補通直陸先生持之

附錄

文安沒事伯父梭山先生言動必識

與人語有所啓發誦之終身凡可以資取成德者如憤如失迨其劃然啓油然得氣豁神竦昆弟友朋或訝其日改月化伯微不以自足也

卽所居講授生徒有池舊名百薦遂以薦名堂

其教大抵使人反求近思以不失其性之本明與人言疏暢磊落而自律嚴謹

魏鶴山嘗榜所居室曰自庵伯微問所以名鶴山曰易象于天行言自強不息于明出地上言自昭明德天之健也日之進也非以爲人也伯微竦然曰吾所素講也

遂爲鶴山作銘大要謂義襲而取之與集義所生當致
辨于內外賓主之分以發名庵之義鶴山以是益奇之

陸先生循之

陸循之象山次子

梓材謹案象山攜二息於精舍見與王謙仲書蓋
卽令彭世昌教授云又案象山與鄧文範書言荆
門郡火云持循二子與姪孫潛當火起時
頗見力量他日或可望則其梗概可知
雲濠謹案象山與包敏書云世昌教諸小子又自
有道理諸子亦疊疊不厭但書中所云春弟逢子
不知
何指

陸先生麟之

陸麟之象山兄九敘之子也

梓材謹案朱子識象山曰鹿洞講義言其徒五人實從先生與焉則先生嘗受學於文安矣

教官陸先生濬

陸濬字深甫九思孫象山以伊洛諸賢勉之開禧末朝廷罪起兵端者欲函首以謝先生謂失國體上書爭之吉寇披猖憲使李珣檄入幕中寇平欲上功先生固辭尋登進士授饒州教官而卒

人物志

附錄

朱子語類陸深甫問爲學次序曰公家庭尊長平日所

以教公者如何陸云刪定叔祖所以見教者謂此心本無虧欠人須見得此心方可爲學曰此心固是無虧欠若只說道本無虧欠只見得這箇便了豈有是理

伯微講友

帥幕趙常庵先生端頤

趙端頤字養正家臨川與陸伯微講貫象山之學參以伊洛諸書深有所得舉進士除淮安簿嘗入江西帥幕

議不合浩然肥遯

撫州府志

粹材謹案萬姓統譜言先生端平初召赴都堂審察力辭家居優游扁所居曰常庵與鄰南堂游新

堂章從軒
往來切磋

伯微同調

朱清隱先生自道
別見嶽麓諸儒學案補遺

象山門人

董先生元息
別見梭山復齋學案補遺

鄧巽波先生詠

雲濠謹案先生爲象山高第德化丞約禮之子號巽波儒林宗派亦列象山門人蓋父子而同學於陸氏者

象山私淑